

# Ո Ր Ո Շ ՈՒ Մ

## Արգելադրված գույքը հարկադիր էլեկտրոնային աճուրդով իրացնելու մասին

02.11.2020թ.

ք.Հրազդան

Հարկադիր կատարումն ապահովող ծառայության Կոտայքի մարզային բաժնի հարկադիր կատարող, արդարադատության լեյտենանտ Էդգար Գրիգորյանն ուսումնասիրելով՝ 02.11.2020թ. վերսկսված թիվ 06553504 կատարողական վարույթի նյութերը

### Պ Ա Ր Զ Ե Ց Ի

ՀՀ Կոտայքի մարզի ընդհանուր իրավասության դատարանի կողմից «14» օգոստոս 2020թ. տրված թիվ ԿԴ/1411/02/16 կատարողական թերթի համաձայն պետք է՝ Արման Ալբերտի Ստեփանյանից հօգուտ Աննա Զեյթունի Ներսիսյանի, որպես նրանց անչափահաս երեխաների՝ 23.04.2009թ. ծնված Մարինե Արմանի Ստեփանյանի և 01.03.2012թ. ծնված Ալիկ Արմանի Ստեփանյանի ապրուստի միջոց՝ սկսած 2016թ. Հուլիսի 18-ից մինչև երեխաների չափահաս դառնալը, յուրաքանչյուր երեխայի համար մինչև երեխաների չափահաս դառնալը բռնագանձել ալիմենտ կայուն դրամական գումարով՝ ամսական 30.000 ալան ՀՀ դրամի չափով:

Վերոգրյալի հիման վրա և ղեկավարվելով <<Դատական ակտերի հարկադիր կատարման մասին>> ՀՀ օրենքի 28, 28.1, 43 հոդվածներով և <<Հրապարակային սակարկությունների մասին>> ՀՀ օրենքի 35.1-35.4 հոդվածներով՝

### Ո Ր Ո Շ Ե Ց Ի

Պարտապան՝ Արման Ալբերտի Ստեփանյանին սեփականության իրավունքով պատկանող, գրավի առարկա հանդիսացող ներքոնիշյալ գույքը՝

| h/h | Լոտի անվանումը նկարագիրը                                                                                                                                                                                                                                                                                                                                                                                                                                                                                                                                                                       | գնահատման գինը  | մեկնարկային գինը | գույքի քանակը |
|-----|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------|------------------|---------------|
|     | «VAZ 21103» մակնիշի ավտոմեքենա, հաշվառման վկայագիր՝ PJ839576, թողարկման տարեթիվը՝ 2004թ., նույնականացման համարը՝ XTA21103040723267, թափքի տեսակը՝ սեղան, գույնը՝ ոսկեգույն կանաչ մետալիկ, հաշվառման համարանիշը՝ 36 SX 674, մեքենայի գննումն իրականացվել է ակնադիտական եղանակով: Սրահը՝ հասարակ, փոխանցման տուփը՝ մեխանիկական, մեքենան գտնվում էր միջինից ցածր վիճակում: Տեղազննության օրվա դրությամբ տմ շարժիչը, թափքի որոշ հատվածներ բացակայել են: Դիմացի և ետևի թափարգելները, դիմացի երկու անվաթները, հետևի աջակողմյան դուռը, բեռնախցիկը վնասված էին, դիմացի երկու հայելիները բացակայում են: | 500.000 ՀՀ դրամ | 375.000 ՀՀ դրամ  | 1             |

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ [harkadir.ajurd.am](http://harkadir.ajurd.am) միջոցով:

Հարկադիր էլեկտրոնային աճուրդի սկիզբը՝ 16.11.2020թ.:

Որոշման պատճենը ուղարկել կողմերին:

Հարկադիր կատարողի կայացրած որոշումը կարող է բողոքարկվել վերադասության կարգով որոշումն ուժի մեջ մտնելու օրվանից հետո՝ երկամսյա ժամկետում, կամ վարչական դատարան՝ օրենքով սահմանված ժամկետներում:

« Դատական ակտերի հարկադիր կատարման մասին » ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները՝ բացառությամբ օրենքով նախատեսված դեպքերի:

Հարկադիր կատարող,  
Արդարադատության լեյտենանտ՝



Էդգար Գրիգորյան

### Ծ Ա Ն Ո Թ ՈՒ Թ Յ ՈՒ Ն:

Յուրաքանչյուր լուտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուտի մասին ծանուցումը:

Եթե աճուրդը չի կայացել գնորդ չլինելու կամ լուտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լուտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լուտի մեկնարկային գնի իջեցում տեղի չի ունենում:

Տասնհինգերորդ հարկադիր աճուրդը չկայանալու դեպքում հաջորդ աճուրդներում լուտի մեկնարկային գինը չի իջեցվում: Տասնհինգերորդ հարկադիր աճուրդը չկայանալու դեպքում հարկադիր աճուրդի է ներկայացվում նաև պարտապանին պատկանող՝ օրենքով սահմանված նույն հերթում ներառված այլ գույք, իսկ նույն հերթում ներառված գույքերի անբավարարության դեպքում՝ հաջորդ հերթում ներառված այլ գույք:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր հերթական աճուրդից հետո, լուտը չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լուտն իրեն հանձնելու վերաբերյալ գրավոր պահանջը կարող է ներկայացնել ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց հետո, իսկ գույքի /լուտի/ հանձման կապակցությամբ հարկեր վճարելու պարտականություն առաջանալու դեպքում՝ նաև դրա կատարումը հավաստող փաստաթղթերը ներկայացնելուց հետո: